


Sel Prestuhn
Thomas S. Monson



Leum El Eneuh Misineri

Toeni luhlahp ke Ohktopa tari ac Nga siyuck in puhs misineri. Mwet fuhsr suwohs, kuh in mahno nuh kwewa enenuh in ahkolah in kuhlwcansap ke sie misin. Kain kuhlwcansap inge pa kunohkohn luhn pristut—kunohkohn se Leum El enenuh sesr suc ma ituckyang yohk nuh se uh. Mwet fuhsr, Nga ahkkweye kom in ahkolah in kuhlwcansap in ekihn sie misineri. Liyekomyang in nwacsnwacs ac suwohs ac in fal in ahol Leum. Liyacang moullom ac kuhiyom. Lutlutkihn ma suhmuhslah. Yen ma oasr ma inge we uh, wi kuhlwhs luhn mwet fuhsr ac institute an. Ahkpahyekom ke puk srihsrihk luhn misineri an *Luti Wosasuc Luhk*.

Tahmtahel, ke wacngihn yuruwos kain kunohkohn luhn pristut se pacna ma oacna mukul fuhsr in oruh kuhlwcansap in ekihn misineri ke lwen nuh kwewa, kowos oacyacpac oruh mwe kahsruh sacohk se in ekihn misineri, ac kuht pain kowos ke kuhlwcansap lowos an.

Nuh suwos tamuhlwel ac tahmtahel mahtuh ke Alu uh, Nga ahkacsmakihnye kowos lah Leum El enenuh in puhs, puhsacni suwos in wi oruh kuhlwcansap ke misineri ke lwen nuh kwewa uh. Fin soenna pacl lowos in oruh kuhlwcansap ke misin luhn siacnyacn uh, Nga kwacfe kowos in ahkolah inge nuh ke lwen se, ke lwelah luhn ohiyac ma sikyak yuruwos an, kom ac muhtwacn kiyom an in oruh oacna. Oasr kuhtuh pacl ke moullom lowos an ke kowos ac tuhfeh engankihn nguhn wowo ac insewowo ma tuhkuh ke ituckyang luhn tuhkweni

kuhlwcansap ke lwen nuh kwewa ke orekma luhn Leum.

Inge, kuhtuh suwos kuh in tonong kuh nuhnkuh muh kowos tiac kuh in oruh wo ke pahng in kuhlwcansap uh. Esam lah orekma luhn Leum pa inge, ac ke kuht oruh kuhlwcansap luhn Leum uh, oasr suwohs lasr nuh ke kahsruh luhn Leum. Leum El ac taflwe fin tukum in kuh in lihpihsacack ma toasr fihliyucki feim uh.

Kuhtuh sahyac, nwe fal in kuhlwcansap, kuh in puhla selos muh oasr srihpac yohk sahyac lalos. Kwack kuh Nga esam Olwelah luhn Leum ah: “Nga fah akfulatyalos su akfulatyeyu” (1 Samuel 2:30). Wacngihn sesr fah ahkfuhlwactye Pahpah Tuhmasr Inkuhsrao ac Mwet Lahngo lasr yohk liki na in kuhlwcansap in oruh sie misineri insacnweacng ac insemuhlahlah.

Sie mwe srihkasrak ke kain ohiyac inge pa puhlahkahn luhn misineri lal Juliusz ac Dorothy Fussek, suc pahngonyuck in koanwelah misin se fin acn Poland. Tamuhlwel Fussek el isuslac Poland. El kahs Poland. El luhngse mwet we uh. Tahmtahel Fussek el isuslac England ac etuh kuhtuh acn Poland ac tiac etuh ke mwet we uh. Luhlahlfongi ke Leum, elos som ke ma kuneyucki lalos. Orekma sac muhkahimtacl, orekma lalos yohkna. Misin uh in pacl sac soenna akwucki fin acn Poland. Ma kuneyucki ituckyang nuh sin Fussesks ah pa in ahkolah innec se in muh kuh in akwucki sie misin.

Kuh Elder ac Tahmtahel Fussesks elos fuhlweack ke srihpen yohklacna luhn ma kuneyucki lalos uh? Tiac ke

kihtin pacl. Elos etuh lah pahng lalos uh ma sin God. Elos pruhe nuh ke kasruh muhtahl Lal, ac elos kihsack-uhnwacng ke insiyaclos nuh ke orekma lalos.

Ke pacl sac Elder Russell M. Nelson ke U luhn Mwet Sap Singucul Luo; Elder Hans B. Ringger, suc tuh wi Mwet Itngucul; ac Nga, weluhl Elder Fussek, ohsun nuh sin mwet tol ke alu, Adam Wopatka, ke kafucrmacn Poland ah. Kuht lohng ke el fahk, "Alu lowos uh sukohsohk nuh yenuh. Kowos kuh in muhsahi lom lowos an; kowos kuh in suhpuh misineri lowos an. Mukul se inge," srihsrngilyac Juliusz Fussek, "el kuhlwacnsapi wo alu lowos uh. Kom kuh in srui mwe srihkasrak ac orekma lal uh."

In oacna Fussesks, lwelah kuht in oruh ma kuht enenuh in oruh ke orekma luhn Leum uh. Na kuht kuh, ke Juliusz ac Dorothy Fussek, onkackihn Sam:

"Kasru luk tuku sin Leum God me, suc orala kusrao ac faclu.

". . . El su liyekomyang fah tia motulla.

"Liye, el suc liyaung Israel fah tiana motul kuh folosuwosla" (Sam 121:2-4).

LUTI KE PWENG SE INGE

Teaching, No Greater Call fahk: "Akacruhi ke puhlakihn la ke ohiyen moulkihn ip yohk ke wasasuc uh ahkinsewowoye moul lowos uh. Suli elos suc kom luti an in sruhmuhn kuhtuh ke puhlakihn lalos an" ([1999], 159). Riti pweng se inge ac siyuck sin mempucr ke sucu suc Prestuhn Monson el fahk lah elos enenuh in kuhlwacnsap ke sie misin. Akacruhi ke puhlakihn luhn kais sie ma kom kuh elos sahyac tuh puhla ke kuhlwacnsap in ekihn misineri ke lwen nuh kwewa. Kuh akacruhi ke plwacn lom in kuhlwacnsap in ekihn misineri se ke pacl tok uh. Siyuck sin mempucr ke sucu an in akacruhi ke plwacn lalos ac ma wo elos puhlakihn uh.

MWET FUHSR

Ikus nuh ke Pacl Tok

Sel Peter Evans ac Richard M. Romney

Puhs mwet fuhsr ahkolah ke ip luhn mani in kuhlwacnsap ke sie misin. Fin acn Africa ip ke ahkolah sacn pa in ekahsack fal mani nuh ke passport se. Sedrick Tshiambine el ekahsack ma el enenuh ke inkacnek in kuhka sasuc se: ke kuhka usr tukun pwacskuhl soko.

Sedrick el muhta Luputa, Democratic Republic of Congo. El sie sin mwet fuhsr 45 ke tisrik luhn acn Luputa suc orekma in sefiac mani in passport in som nuh ke sie misin. Fin acn DR Congo molin passport se pa \$250, suc ma apkuhran in luo tahfuh-tolu ke molin muhsahi sie lohm.

Tuhsruh Sedrick el tiac fuhlweack. El ekahsack mani in misin lal ke el pwacskuhl ke kilometer 15-30 (mael 9-19) fin acn Luputa som ke mura srihsrihk, suc el moli usr, na pwacskuhli fohlohk we kosraclah acn tuhpahtspasr fol Africa, pwacskuhl soko okacl ah moti ke fukunsahk in kuhka nuh in siti uh. Kais sie wik el fuhfahsryucsr apkuhran in kilometer 180 kuh (mael 112) ke innnek puhkpuhk, ac pacl sefanna el ikori ke ap lal ah tiac akwucki wo.

Nuh ke kwemkahtuh lal Sedrick el ekahsack apkuhran in \$1.25 ke wik se, kuh \$65.00 ke yac se. Yac ahkosr el sefiac suhnuhn moliyacn passport se lal, na inge el etuh lah pacl fahfahsruh lal uh ac weacng kuhlwacnsap ke misin ke srihpen el ahkolah ke ip luhn mani in oruh pahng in kuhlwacnsap uh.

TUHLIHK

Nga Fah Ahkolah Ke Nga Fuhsr uh

In kahsruh tuhlihk uh in esam pang se lal President Monson in ahkolah in kuhlwacnsap ke sie misin, motko in oruh sie pwepuh in lwelah ke kahs sihmlac ten inge nuh sin tuhlihk nuhtuwos in saini ac sruokyac in mwe acsmakihn, sahp in oan ke sinkac kuh mwe sihm in acsmakihn lalos an.

NGA FAH AHKOLAH

President Thomas S. Monson el pahngonyuc in ahkolah in oruh kuhlwacnsap ke sie misin. Nga fah:

- Liyeyucyang in nwacsnwacs ac suwohs ac in fal in ahol Leum.
- Liyacacng moul luhk ac kuhiyuck.
- Pruhe ac lutlutkihn ma suhmuhslah uh.

Nga fah ahkolah in oruh kuhlwacnsap ke sie misin.

(*siknetsucr*)

© 2011 sin Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke English: 6/10. Ahkkweyeyucklac ke lweng: 6/10. Lwenglah ke *First Presidency Message, January 2011*. Kosraean. 09761 868



Luhlahlfongi • Sucu • Kahsruh

Sramsram Mahtuh ac Ohiyac luhn Un Muhtwacn in Kahsruh

Lutlutkihn kuhfa inge ac, fin fal, sramsramkihn nuh sin tahmtahel kom muhtwacta yohroh an. Orekmakihn kihsen siyuck an in kahsrwe kom ahkkweye tahmtahel wiyom an ac in oruh U luhn Muhtwacn in Kahsruh an in ip utuftuf se ke moul lom sifacna an.

Eliza R. Snow el esam ke luti lal Mwet Pahluh Joseph Smith lah “finne ine se [U luhn Muhtwacn in Kahsruh] kuh in oruh ma in pacl inge, akwuck se ma mahtuh.”¹

Pahpah Inkuhsrao ac Wen Nahtuhl, Jisus Kraist, muhtwacta yohrohl Joseph Smith ac, kacl, fohlohkihnnyuckyak fohnlah luhn wosasuc nuh facluh. U luhn Muhtwacn in Kahsruh pa sie ip ke fohlohkyak sac. Akwuck luhn Alu uh tiacna sahflah nwe ke na tahmtahel uh akwucki.²

Ke mahlwem ekahsr fahsruhuh, kais sie Pweng ke Forfor Luti uh tuhfa use pacl wo lasr in etwacalah yohk ke sramsram mahtuh ke U luhn Muhtwacn in Kahsruh ac ip lalos ke fohlohkyak luhn wosasuc. Ke srihpac pucspucs, etweyacn sramsram mahtuh lasr uh tiac yohk srihpac muhkwen tuhsruhkh tuh *enenweyuck*.

Ma se met, etweyacn sramsram mahtuh lasr uh pihrihk kuht in oruh muhtwacn luhn God suc kuht enenuh in oruh oacyac. Ke srihkasrak luhn muhtwacn Luhlahlfongi in Lwen-sahflah, kuht kuh in etwacalah ke pacl somlah ah ohiyacn oruh ke pacl tok uh.³

Ahkluo, sramsram mahtuh lasr uh luti lah ip yohk se pacna ma oasr ke Alu uh met ah pa pacna ip yohk akwucki lasr mihsenge uh. Etwacack se inge ac srihpac lasr uh pa—in ahkyohkye luhlahlfongi ac suwoshwohs luhn kais sie, ahkkweye sucu ac lohm uh, ac kahsrelas suc enenuh—orwacalah sie kuhpahsr inmahsrloh pacl somlah ah ac pacl inge uh.

Ahktolu, ke kuht seko ma mahtuh lasr uh, kuht kuh in akacsruhi wo ke usru ke ip luhn nguhn lasr uh. Prestuhn Henry B. Eyring, Mwet in kahsruh se Met ke Prestuhnsi se Met, el fahk: “Kowos tahfwelah usru se ke kowos kahsruh mwet sahyac in eis mwe sang luhn luhngse pwacye. . . . Sramsram mahtuh ke U luhn Muhtwacn in Kahsruh pa sihmlac ke kahs ac nacmpuh, tuhsruhkh tuh usru se pahsiyuck ke insiyac nuh ke insiyac.”⁴

Sahflahiyac ah, etwacack luhn ma mahtuh lasr uh kahsrwekuht oruh ip wo se ke pacl tok luhn U luhn Muhtwacn in Kahsruh. Prestuhn Spencer W. Kimball (1895–1985) el ahkuhtweyac, “Kuht etuh lah muhtwacn ma oasr yohk srui la ke pacl somlah ah tuhfa elyah kac

in orwacalah sie pacl suwoshwohs tok.”⁵

Julie B. Beck, prestuhn luhlahp ke U luhn Muhtwacn in Kahsruh.

Ke Ma Suhmuhsrah

Esther 9:28–29; Mwet Rome 16:1–2; Alma 37:8; Moroni 7:45–47

Ke Ma Mahtuh Lasr

“U luhn Muhtwacn in Kahsruh pa akwuck se luhn Leum nuh sin muhtwacn uh.”⁶ Ke kuh lal in ekihn sie mwet pahluh, Joseph Smith el akiyac U luhn Muhtwacn in Kahsruh ke Mahs 17, 1842. U srihsrihk, ke kain in mwet ke miting se emet ah pa muhtwacn na moniyuck, oacna U luhn Muhtwacn in Kahsruh luhn tahmtahel mihsenge uh. “Tuhlihk muhtwacn tolu pa fuhsr inmahsrlohlos, ac muhtwacn matwac yac lamngaul kuhtuh pa mahtuh emet ah, Singucul sie selos pahyuck, luo katinmas, ohnkohsr tiac pahyuck, ac sie selos tiac kahlwem lah lolacp kuh pahyuck. Ohiyen lutlut ac tohflah lalos tiac oacna sie, oacna kahlwem ke inkacnek in mani lalos uh. Kain in mwet lalos uh ahkmuhtahlyeyuck pacl pucspucs ke mempuc ke u se tahfwelah in kapkapwack uh, tuhsruhkh elos oruh ohinge ac tahfwelah na in ma sefanna.”⁷

MWE KAHSRUH

1. Eliza R. Snow, "Muhtwacn ke U luhn Muhtwacn in Kahsruh," *Deseret News*, Eprel 22, 1868, 81.
2. Liye *Teachings of Presidents of the Church: Joseph Smith* (2007), 451.
3. Liye L. Tom Perry, "Inkacnek Somlah ah ke Ohiyac tok uh," *Liahona*, Nov. 2009, 73–76.
4. Henry B. Eyring, "Ohiyen Muhtwacnglah luhn U luhn Muhtwacn in Kahsruh," *Liahona*, Nohfohmpuh 2009, 124–25.
5. Spencer W. Kimball, "Privileges and Responsibilities of Sisters," *Ensign*, Nohfohmpuh 1978, 104.
6. Spencer W. Kimball, "Relief Society—Its Promise and Potential," *Ensign*, Mar.1976, 4.
7. Jill Mulvay Derr, Janath Russell Cannon, ac Maureen Ursenbach Beecher, *Women of Covenant* (1992), 28.

Meac Nga Kuh in Oruh uh?

1. Meac Nga kuh in oruh in kahsruh tahmtahel Nga muhtwacta yohroh in eis mwe sang luhn luhngse pwacye?
2. Meac Nga kuh in muhtwacwacack oruh ke mahlwem inge in kahsruh oruh ma suwohswohs tok nuh sihk uh? nuh sin sucu luhk? nuh sin mwet sahyac uh?

Nuh ke mwe etuh sahyac, som nuh ke www.reliefsociety.lds.org.